

十朝东华录

嘉庆朝

第七

函
七
册

秋七月甲寅諭軍機大臣等本日松筠吳璥等奏漕船全數渡黃並趕辦夏工請撥銀兩各情國家經理大事總當推其要領專心一意方克有濟卽如醫家治病遇有棘手之證若不究其受病根源率行下藥雖多方療治其病不除從前辦理教匪則堅壁清野爲要其初游移不辦領兵將帥惟知一味散漫追捕以致數年不能集事迨後修築堡寨之議行而大功旋卽告竣又如辦理洋匪則以杜絕接濟爲要閩粵等省水師日久無功一經陸路將水米認真斷絕賊勢頓形窮蹙首夥各犯悉皆擒獲其投誠者亦皆安插海疆甯謐實爲明效大驗因思辦理河工亦然全河扼要之處全在海口暢流近年河工多事皆由海口淤塞下壅上潰百病俱生若果海口疏通則河湖之水皆有歸宿何至漫決爲患庶數年來屢次降旨飭辦海口而伊等相率遲遲不肖認真疏導其節次挑挖亦皆有名無實徒費帑金以致尾閘不通漫溢如故甚至見旁趨漫溢之水輒妄希更改正河因循觀望徒致耽延本年朕已照伊等所請定議舉辦而見在糧艘已全數渡黃又目下大汛時河湖一切工程幸臻平穩天時人事極爲應手實不可再有游移伊等若謂帑項不敷則本日已照伊等所請之項全行撥給卽日可期到工無虞支絀更有何棘手之處該督等性喜立心堅定加意奮興勿聽浮言勿萌怠志和衷協力共成大功見在松筠回省審辦案件吳一在河口堰圩一帶督辦宜防徐端已馳赴海口覆行查勘所有應行挑挖之處及籌辦物料著卽迅速定章程立時興辦務將引河挑濬深通則將來漫口堵閉之後全河水勢順軌暢行南河自永慶安瀾矣勉之○以漕船全數渡黃復吳璥太子少保花翎徐端二品頂戴花翎○壬戌諭大學士廣桂等奏酌改票擬章程一摺據稱各省擬選例舉員升調本內如將該員平日官聲政績臚敘詳明確鑿可據者仍擬雙籤其籠統係奏並無實蹟者照部駁票擬單籤等語各督撫揀選升調人員定例參罰案件止准在十案以內原以處分過多則不應保舉若不論任內所有處分之輕重多寡但以各督撫臚列該員政績爲斷則該督撫於處分過多之員自不難加以鋪敘亦仍屬具文嗣後該大學士等於票擬部駁升調本內如處分在十案以外而有案情重大者卽著票擬單籤並將該員處分案由開單一併呈覽如僅止尋常參罰之案亦止於處分十五案以內查票擬雙籤其逾十五案者票擬單籤○直隸永定河溢○癸亥諭方維甸張師誠奏小仁等幫首聚眾投誠分別辦理一摺閩洋自蔡牽聚眾之後餘黨離散今其聚犯陳贊等帶同蔡牽義子小仁文幅率眾投誠又聚犯吳淡曲蹄幅二人亦相率投各將船隻器械全行交出共計首夥一千三百餘名船六隻大小礮五十餘門並鳥槍器械等四十餘件閩摺內所敘該犯等情詞哀切出於至誠自富一律加恩准其投首至小仁等各犯方維甸摺內仍分別定擬具奏○閩屬按律辦理但所擬未免過重小仁文幅二人雖係蔡牽義子但小仁親生父母卽被蔡牽殺害其時小仁年甫九歲不知原委被蔡牽收爲義子直至蔡牽死後其管事陳贊告知始悉前情隨日夜啼哭與陳贊等商量投出又文幅亦本係蔡牽船上雇工之子伊親父故時尚在襁褓之中被蔡牽收爲義子見在年止七歲此二人本非逆犯之子不必緣坐且皆輪被劫久陷賊中情殊可

惻今皆自行投出竟當免罪釋放安爲安插其吳三池一犯雖免被禁牽封爲僞職隨同滋擾但今已畏罪投誠其翁哈一犯雖經隨同禁牽打仗其後畏懼落後不過在小仁船上寫帳今已悔罪投誠其情罪皆可末減吳三池著暫往黑龍江翁哈著發往伊犁其餘各犯均著照該督撫所請擇精壯者三十餘人分配兵船令其隨糧餉俱選籍安插但須散而不聚免致滋生事端設有滋事之徒卽從嚴懲辦不可姑息又據另片奏朱渥隨同舟師緝捕奮勉請旨酌量施恩等語朱渥投誠以後隨同兵船出洋頗知感奮今能跳過盜船擊獲多犯尙屬出力著加恩賞拔把總以示鼓勵所有此次擊獲各犯均著審明照辦其出力弁兵人等並著詳查奏明分別獎勵○壬申 上啓 秋獨木蘭○免經過地方額賦十分之三○癸酉秀林以侵用羨餘銀等職建問○乙亥曹恭綽事降調轉成書爲兵部左侍郎調成格爲兵部右侍郎以德文爲禮部右侍郎

者多大率不肯存任怨之心而惟知順市恩之習夫立法創自 祖宗百餘年來奉行勿替朕祇守 成憲諸臣卽皆係佐朕執法之人自當有善同賞有惡共罰况本朝法度公平一切斷罪論刑從無過嚴失當之舉設使有過嚴失當者諸臣亦惟當執法論奏苟所奏得當朕亦無不權衡未減豈有陽奉陰違私向罪人昵比之理卽如近日查出綱武布等獲罪之後發往吉林秀林等實爲

之代修住房欣助盤費並且爲之措贖官項甚至餽送節禮多次風聞各處遣戍官犯並有與將軍並坐共食者豈不可駭朕於臣下所犯罪名區別詳慎其罪不至死者按照定律分別軍流至於大臣間擬遣戍者大率案情本重尙不至於死是以止坐請戍令

其備舊報苦至於日後或加恩釋回或令其多住數年或竟不准釋回皆必許審再三歸於至當乃朕方令其折磨改悔而該處大

臣轉爲經營曲庇安其罪食便其起居俾得花消逸樂盡忘戍所之苦豈非背法而行必欲與朕意違拂乎且人情照應誰則能免

果係舊交戚好見非執法之人逢有請戍遂行解囊欣助此亦情事之常若秀林等正係該處執法大臣何得與本處罪人私相交

往況其所給銀兩又非己貲不過將禁索賄私供其揮霍蓋穆伊等在彼亦自知營私敗檢之事難免人知諒恐發往之人釋回傳

播既可藉此彌縫而又結交見好諒爲他日地步其居心豈復可問乎此等特旨發遣之人該處大員尙敢如此庇護無或乎上行

下效各處地方官於發遣流徒常犯皆一味博寬厚之名全不認真營求以致在配脫逃者絡繹不絕如昨日廣西逃犯復來行在

叩問成何事體各省刑禁弛縱如此國法安在朕辦理刑政從不肯有意從嚴天下臣民共知其見而大臣中乃敢市恩取悅徇私

廢公則是朕之所惡必欲庇之國之所秉必欲全之將憲典竟可阻撓罪人無所儆懼朕豈肯以國法成法任伊等廢弛將來勢不

得不大加整頓欲成猛以濟寬朕亦無知之何矣將此通諭內外臣工其各屏去私心懷遵法度勿徇情濫寬自貽重愆以副朕諄

諄訓諄至意○戊寅 上駐蹕避暑山莊○辛巳吳璣以疾免以徐端爲江南河道總督裁副總河缺○以修復雲梯關外海口命

工部尙書滿惠裕督辦

八月丁亥命嗣後凡有指定須尉者無論貢舉各項出身均不准再舉鄉會試著爲令○以直隸水災撥奉天運京小米二十萬石

諭命戶部撥近省銀三十萬兩備賑○吏部侍郎榮祿緣事降調○貴慶緣事降調以薩彬圖為盛京戶部侍郎○以哈魯

堪為盛京兵部侍郎○戊戌 上自避暑山莊巡幸木蘭行圍○己亥以戴安為左副都御史○庚子調秀甯為吏

部右侍郎轉德文為禮部左侍郎以哈爾阿為禮部右侍郎○己酉左副都御史溫汝逆緣事降調○王子諭軍機大臣等

百齡等奏籌議分船巡緝洋面章程一摺廣東洋面縣互數千里近年來藏奸納污幾成盜藪自百齡到任以後嚴杜接濟大振兵

威將各路著名首夥大盜分別勦擒一律肅清此次復籌議善後章程分布各路師船責成巡緝所辦實為周妥此時洋面肅清已

無大股盜匪但尋常劫奪小盜尚難保其必無若不隨時捕獲則日久喘聚恐又萌聚滋事百齡等務當督飭各鎮將等各於所管

洋面認真巡邏期於有盜必獲但聞弁兵等積習相仍往往於真盜不能捕獲轉將海濱無業貧民如漁船覆戶人等妄拿報官塞

責邀賞以致誅及無辜從前伍拉納在閩浙總督任內任性妄為即有此等情事最為可恨百齡認真辦事見將粵洋巨盜收捕一

空海疆甯謐勳績已成幾經身膺懋賞其平素居心謹慎豈尚復存邀功之心朕亦斷不疑其有此但恐弁兵人等積習未除或妄

拿滋事用是諄諄訓諭該督等惟當隨時密查凡於捕獲案犯必須詳細研鞫以期罰當厥辜設竟有妄拿邀功之人即當嚴參辦

理不可姑息仍不得任伊等藉口因循並真盜亦不認真歸捕經理方為得宜其所議派員分設巡哨挑用船隻以及酌給捕盜且

糧等項章程均照該督等所請行○增設廣東水師提督駐虎門政左翼鎮總兵官為陽江鎮水師總兵官移駐陽江

九月乙卯諭軍機大臣等與安大嶺於塞北諸山最為崇峻且靈應素著屢見於 皇考高宗純皇帝聖製集中向來進哨以前必

派親王帶領喇嘛兩次前往致祭本年朕行獵木蘭晴雨應時事昭順佑應加隆望秩以協懷柔著交禮部查明從前祀典內曾否

載入如本有舊章即將儀文節目詳錄具奏如未列祀典著禮部詳議崇祀即不能與五嶽並尊亦應依照西鎮之儀酌定典禮並

擬定神位封號致祭時增設神帷書寫神牌供奉以昭虔敬奏定後載入則例永遠遵行等語照列鎮之例每歲仲春派熱河都統

望祭至仲秋行獵木蘭由行在禮部奏派王大臣致祭儀遇停止進哨之年仍令都統致祭從之○己未 上駐蹕避暑山莊○壬

戌諭本日召見廣業學政程國仁詢知該員係截取御史業經保送繁缺知府將來遇有應選之缺吏部仍行銓選此項出差人員

聞向例本不歸選惟從前吳蔭暄在陝甘學政任內曾選補直隸州知州辦理殊屬錯誤學政係特派之員職任較重若仍照原職

歸班選用地方官轉將學政開缺於體制未為允協程國仁著停其銓選俟任滿後再照常歸選嗣後應行外選人員有簡任學差

者應照此辦理著為令○允方維甸同籍養親調汪志伊為閩浙總督以馬慧裕為湖廣總督調恭阿拉為工部尚書以福慶為禮

部尚書轉常福為工部左侍郎調成格為工部右侍郎以明志為兵部右侍郎○癸亥 上自避暑山莊回鑾○甲子永定

河漫口合龍○以文甯為內閣學士○己巳 上還京師○庚午以榮麟為內閣學士○乙亥增南河捐料價銀○

辛巳復山東漕船春兌春開

冬十月己丑理藩院侍郎兼丹第錄事解任○甲午江南高堰山野兩廳提塘決口徐端領頂○諭軍機大臣等據徐端奏高堰山野兩廳漫決情形想吳璣在浙自早已得有信息高堰爲淮揚保障要工今衝坍甌石工多至四千餘丈越堤過水固由湖水狂發風暴狂烈實在人力難施而其受病根由諒非一日究因何潰決至此吳璣从任河督年來親歷河干定能悉其原委見據徐端奏稱先將下游歸江各閘壩並高郵之車邏大壩悉行開放俾免壅滯一面擬將仁智兩壩先行趕堵其義壩學通處所擬將兩頭盤護仍留口門減洩隨後再爲壅堵一切擬工俟春融續辦此時工段繁多處處著重亟應上緊趕辦但全河大局吳璣較徐端自爲熟悉應否即照徐端所奏辦理或吳璣另有所見著蔣佐銘傳旨詳詢並酌帶醫生察看吳璣病勢如已就痊即令緩程於歲內來京以備詢問仍一面先行覆奏如尚未能就道即著吳璣先將近年河湖受病緣由及目今應如何籌辦之處據實具奏不可一字隱飾所遞之摺著交蔣佐銘由驛馳奏○乙未諭國家明罰敕法以罪辜之大小定刑律之重輕昔本列祖列宗權衡增損合典昭垂恪遵罔易如刑律內發遣之條其罪原在軍流以上至發遣爲奴則皆姦盜兇徒身干重典或同案人眾不忍斷誅除法無可貸外擇其情有可原者量減一等本係法外施仁去死一關之人以故到配時令其充當苦差以磨折其兇狡之性定例一經逃過拿獲卽行正法律意甚嚴乃前者秀林於召對時曾經奏及吉林發遣爲奴之犯到彼分給兵丁其人略具貲財向所分之主贖身以後卽聽其所往或擇地謀生或潛行逃遁及至點卯時查出而所給之主公然以業經贖身與伊無涉登覆其太監緣事發遣爲奴者亦以贖身在彼閒散自由且有置產經營者及竊問後反甘心犯法情願再遣是以國家嚴懲罪人之例竟難伊等私行賣放以致罪人無所儆畏以違戾之地爲樂土豈不與立法之意大相刺謬乎至官員因事獲罪問擬遣戍亦必情節較重罰令親嘗艱苦稍贖罪愆乃近年以來有該管將軍與官犯並坐共食者代爲修理房舍致送節禮者徇情壞法相率效尤恬不爲怪甚至遣戍之員轉以在彼安逸無苦懼倘復成何事體夫賞功罰罪朝廷經世之大柄人主從無私好私惡於其間其人有善可錄爵之於朝則同寅協恭卽屬天下之公好其人有惡當懲辱之遠方則執法明威卽屬天下之公惡豈容昵比罪人改與君上之好惡相背是欲一己博寬厚之名而不顧憲典之廢弛違道干譽國法安在著通諭將軍都統等該管地方凡有官常人犯發往爲奴及當差者俱遵照定例派發令其服勤習苦其納贖贖身惡習嚴行禁止經此次飭禁之後如有再犯者加倍治罪查係該管大臣徇私廢法從嚴究治如原給之主私行賣放者交該管官查明一併懲處朕親詣成憲諭誡諄諄爾將軍等其各懷遵毋忽○丙申轉蘇州阿爲理藩院左侍郎以成林爲理藩院右侍郎○丁酉定宗人府翰林院通政司詹事府太常寺光祿寺太僕寺鴻臚寺翼子監欽天監各衙門冬三月輪班值日例○己亥以廣玉爲浙江布政使劉大懿爲福建按察使○辛丑諭萬承風景題學政任滿一本朕詳加披覽其年月未經另業書寫已照擬飭行矣至其所書前銜有內廷供奉字樣尤爲不合會典所載官職本無此等名目若萬承風因在上書房行走則周系英黃誠俱係上書房南書房行走之員同日具題接督學政各本並未列有內

廷供奉前衛萬承風何得任意形諸章奏者交部察議伊原係上書房行走本欲俟到京之日仍令其在上書房行走今觀其情形
愈不忘內廷殊屬不安不必在內廷行走嗣後凡在內廷行走人員於奏牘內止列本衙不得再書內廷供奉字樣以符體制○
癸卯諭軍機大臣等近年以來南河工程所費帑金不下數千萬兩而漫工倒灌歲有其事偶值風雨即不能防守平穩且每有一
處漫工遂請帑大辦其歲搶修銀仍不能少減無日不言治河究之毫無功效朕為民生運務日夜焦勞原不惜多用帑金惟於國
事有濟而千百萬不為濫費苦置之無用之地雖錄兩亦屬虛糜因思節年所發帑項或未必盡實用在工又有如從前莊剛劉普
偕端侵蝕私飽囊橐者不可不加確覈著該部密行查訪自吳璥徐端以至道廳營汛等官其中有無借工支銷將所領帑項上下
朋分及私侵入己者一經得有實據即據實密奏朕將大加懲創置之重典以除積弊若係辦理不得其當妄興無益工程以致帑
項多歸虛擲亦應據實奏聞但不許籠統聲敘以虛言覆奏總須查明某項工程如何不應與修係某員經手濫用帑項若干逐案
指明以憑究辦務須日辦事公正且係新到江省從前各工均未經手即留心密查或違違 旨之人察訪亦不限以時日查得
時即行密奏毋稍隱諱將此密諭知之○戊申以臧思為內閣學士_{由臧思}承瀛為左副都御史_{由臧思}○庚戌增設太常寺學
習贊禮郎三員讀祝官三員

十一月壬子朔諭賽冲阿等奏查辦吉林長春兩廳流民一摺據稱吉林廳查出新來流民一千四百五十九戶長春廳查出新來
流民六千九百五十三戶等語流民出口節經降旨查禁各該管官總未實力奉行以致每查辦一次輒增出新來流民數千戶之
多總以該流民等業已聚族相安驟難驅逐為詞仍予入冊安插再屆查辦復然是查辦流民一節竟成具文試思此等流民多至
數千戶豈一時所能聚集該地方官果能於入境之始認真稽察何難即時驅逐且各該流民經過關隘處所若守口員弁果能嚴
密稽察何能挈族偷越各該管官種種廢弛於此可見除此次吉林長春兩廳查出流民姑照所請入冊安置外嗣後責成該將軍
等督率廳員實力查禁毋許再增添流民一戶如再有續至流民訊從何關口經過者即將該守口官參處至長春廳民人向係祖
居郭爾羅斯地畝兼善理藩院飭知該盟長扎薩克等將見經開墾地畝及祖地民人查明確數報院存案嗣後毋許招致一人增
墾一畝如有陽奉陰違續招人增墾地畝者即交該將軍咨明理藩院參奏辦理○乙卯諭軍機大臣等前因山莊三壩壑通過
水石工壩即數千丈河工處處著重特降旨詢問吳璥茲據吳璥稟悉覆奏其所論甚屬切要朕詢問在廷諸臣即不諳河工者所
言大略相同此時自應迅速堵築壩為最要之務據前日徐端所奏仁壩日內自己堵合水勢專注義壩該處塘深水急堵築斷不
可再遲徐端前奏期於本月二十日內外堵斷斷流已有旨令其趕緊上緊趕辦尤須工堅料實若再有滲漏湖水外洩
日多河口倒灌益甚明歲刷黃運將何所恃徐端不可不慎之又慎勉力辦理至高堰石工場至四千餘丈陡身狹窄情形自為
著重總須於明年大汛以前一律補砌全竣以資保障其隄工石料被風浪掣卸仍不過沈落湖濱左近損失不至過多著卽一面

著落該處員等持段打撈數計不足應行購備者今冬即上緊採備齊全毋誤春融興工剋期肅事其海口挑工吳政以爲黃水暢
出則洪湖河口之病悉除徐端並隨時知會馬慧裕嚴飭工員實力挑挖寬深毋得稍有偷減○壬戌賜秀林自救○甲子諭軍機
大臣等松筠密奏一摺朕詳加披閱內稱吳城論河務多有不實徐端止知作工大晚極宜查伊二人任內經手工程如堰圩改
建賴石各工老堰工改挑毛家嘴移建東清禦黃二壩同龍溝挑挖引河清口攔作圍堰種種辦理失宜峰山壩見又堵閉遲逾此
外如毛城鋪率請修復海口仍將高印語皆據佈又所用屬員如葉觀潮張文浩繆元清等皆委任不當或應參不參應賠不賠以
致各處工員無所畏見在即查有墊款應領銀九十餘萬兩恐有虛捏報帳情弊必須查辦以杜浮冒等語近年河工費用帑銀
多至數千萬是無成功其中自難保無弊混失當之事松筠所奏各款著即奉公參奏朕自當執法辦理至摺內稱懇請將伊調補
總河以便查辦並可遴選工員講求河務等語河工微衷已極正當辦理棘手之時人人視爲畏途松筠見任總督管理地方不但
不藉詞推諉轉肯銳意自任毫不畏難全是一片公忠實心爲國覽奏實爲可嘉但河工與地方究有不同經理機宜實非易易松
筠雖能實心任事而於河務素非所長且廳營中不肖者甚多其詭詐伎倆無所不至設見松筠接手之後諸事生疏因而假公濟
私乘機恣憑弊混多端萬一稍有貽誤則松筠徒然爲其所累仍於公事無益此時徐端已明降諭旨革職留工次效用其德河一
缺既據松筠另片奏稱蔣攸銘可勝斯任已降旨將蔣攸銘補授俟伊到任之後松筠惟當與之實心講求補助毋得將河工各
弊端會同查奏可也○徐端以不勝任革職留工效力以蔣攸銘爲江南河道總督調同興爲浙江巡撫錢樞爲湖北巡撫以成林
爲廣西巡撫木智爲理藩院右侍郎由京營右○調張映漢爲山西布政使索納爲湖北布政使○乙丑調陳預爲廣西布政使齊
布森爲貴州布政使○戊辰諭軍機大臣等松筠在河口督催漕船俱懸立重賞每幫勒限趲渡或數百兩或一二千兩均立時賞
給因此人夫踴躍本年重運得以無誤見在明空亦如此辦理松筠自係爲力趨漕運起見但此項賞銀出於何處計其爲數不少
非資廉所能敷用松筠據守清廉朕所深信斷不疑其取自官民自係向人借貸但借貸銀兩將來必須完欠松筠何得不豫爲計
及卽如阿克當阿近在兩淮若松筠係向伊借用則伊又豈能解囊借貸與勢不得不藉資商力又與取之於民何異此更不可況賞
之一事非可濫施賞之得當則人皆感奮過濫則視爲泛常弁兵夫役人等始而見利爭趨人人忻悅久之視同常例勢將非賞不
行且賞亦不見恩不賞即易見怨運船淺阻地方本時有惟在認真催趲隨時相機其得賞而可以就渡者可見不賞亦未必停
關全在人夫之是否出力辦理之能否得法耳若專以賞項爲事則年復一年何所底止恐弁兵夫役人等邀求重賞別生不肖之
心甚或於運船可以暢行之時亦復藉稱淺阻賞重則照常輒渡賞薄則觀望不前作爲多端易生流弊松筠不可不防今歲河口
阻滯伊確宜辦理亦已成事不說嗣後務當別爲相機經理期臻經久可行不得專以懸賞爲事也○甲戌諭據阿克當阿奏稱前
任揚河通判繆元清於本年承辦揚河隄岸工程共領銀五六千兩止用錢一千八百餘串人言藉藉無不切齒痛恨等語近年兩

河廣勢甚多而工程仍未保護平穩意工員內自必有草率偷減情事今果查有此案弊端亟應徹底究訊繆元清已因另案革職著托津初彭齡前往查辦傳旨鞫嚴審定擬具奏吳璣此時病體就痊自已來至清江並蒞會同查辦勿稍聯徇同謹看來河工此等弊端尚多未必止繆元清一人如續經查出另案浮冒之處即行嚴參辦理見據阿克當阿摺內稱本年吳璣路過揚州時曾向伊述及應員營升中誠實者少不肖者多不願無事止求有工曾有人稟報工程一段伊親往查看直不用辦又如外河廐同知王世臣承辦土壩一段伊親往查勘將壩開止有一半工程更有並未辦工之人輒具稟先行借支銀兩以便私用云候將來辦工時再行扣除自係從前有人辦過方敢如此肆行無忌又伊從前修辦四五座壩工止用銀十萬兩上下如今修辦一壩竟用至十餘萬兩伊在任前後六七年止用銀一千餘萬此數年來竟用過三四千萬實在可怕因此晝夜焦急病勢益劇等語吳璣既知此等弊端何以不行參奏除一面降旨飭詢外著托津初彭齡於到彼後會同松筠將依節將此數年來河工用過款項通行覈實鈎稽如查有弊混之處即行參辦其吳璣稱虛報工段者何人稟借銀兩者何人並著逐一指出同辦工偷減一半之王世臣一併查明參奏歸案嚴辦至阿克當阿於河工弊竇既有聞見著於查收海口工竣即行同赴清江將摺內指陳各條以及積行訪聞一切確實憑據俱面告托津等以憑核款查辦○乙亥改湖北襄陽府樊城同知為鹽捕同知移宜昌漁洋關同知駐歸州新灘坎歸州州判為隨州唐縣鎮州判隨州唐縣鎮巡檢為東湖縣南沈巡檢○庚辰溫承惠以給賑延玩降二品頂帶花翎十二月甲申奏瀛以疾免調朱銘為刑部右侍郎以胡長齡為兵部右侍郎
由左副都御史調都御史
○癸巳以貴師曾為左副都御史
由大理寺評理
甲午調福昂為江蘇按察使靈保為直隸按察使○乙未洪湖義場合龍○丙申貫廣西一百四十二歲海民藍祥四品頂帶製詩章御書扁額加賞銀五十兩○丁酉馬慧裕奏雲梯關外馬港口大工合龍黃河由正道歸海得旨嘉獎下部優敘○己亥諭前因江南河務緊要河督一缺簡任乏人特降旨將蔣攸銛補授該撫一開恩命即起程前赴新任而於謝恩摺內附陳末諸河工深恐才不勝任擬轉懇辭朕以蔣攸銛辦事認真於河防雖非素習必能盡心講求力圖成效是以未經允准本日蔣攸銛奏報接印日期摺內附片稱見雖接手經理一切俱非所諳貿然從事無所適從恐一有貽誤關繫甚重等語情詞懇切出於至誠看來蔣攸銛於河務實不能知一時驟難諳習初非存心推諉見在工程敝壞之時事事均資整頓僅稍有貽誤蔣攸銛一身獲咎所關第小而全河利弊繫乎民生國計者甚大此正所謂學而後入政非可以政學也蔣攸銛竟不必強令任事伊在巡撫任內整理地方官聲名好著仍回浙江原任所有江南河道總督著陳鳳翔調補其河東河道總督著李亨特補授所遺永定河道員缺著溫承惠於該練河務人員內保舉二員候朕簡補至李亨特到任尙需時日陳鳳翔奉旨後應即馳赴新任所有河東河道總督印務交吉綸暫行兼署貴州巡撫鄂雲布見已年老著來京另候簡用其員缺即著同興調補○諭軍機大臣等江南河道總督員缺因陳鳳翔熟諳河工已加恩簡用南河敝壞已久河湖受病日深而究其受病之源皆由底高淤墊所致蓋黃水挾沙而行非清水不能

刷溝而欲多蓄清水非假工室固不能保無漫溢之虞年來論治河者咸以海口未經復舊下游不能通暢以致黃水倒灌運河非特運河受淤而黃河長沙帶泥下游亦日增淤墊甚至海口阻塞尾閘不通醫諸人之一身無往非所用力持定見已將海口挑挖深通堵塞馬港旁趨之路見在河水泊滯東注更無壅遏之虞惟清口倒灌乃全河病弊昨據奏馬港合龍之後河水消落三尺有餘未知所報何處著清口一帶亦一併消落此時清水遂能高於黃水自可暢出刷黃則事機已臻順利設河水雖已消落而清水仍不能外注則是該處一帶河底墊高清水被其壅遏其爲患在咽喉胸膈之間不能宣暢而不專在於尾閘明矣見屆清水力蘇之候即使多方籌蓄而一兩月之間豈能即高於河身轉瞬重運經臨清水壅遏不出勢必仍須借黃濟運明知倒灌之害而不能不開門拒益其籌將何可勝言即見在海口費數百萬帑金挑挖深通亦仍歸無益朕思此時全河大局全在蓄清敵黃去其淤墊使清水無旁洩之途黃河絕倒灌之路方能日有起色至蓄清要法則先須修復高堰隄工所有風掣石工四千餘丈並須大凡前一律修整完固然後有恃無恐見在海口除善後工需之外尙餘存銀三十五萬兩並有餘存估價三十餘萬之料物陳恩和到彼接收後即將此項存銀迅速購料興工將堰圩工程刻期辦竣庶將來清水力旺不至旁洩以之刷黃利運可收專注之功再此時集資壅既議堵閉必當使黃水涓滴不能入運方克有濟來春如果清水暢出運河已覺高於黃水北來重運可以照常運行固屬甚善儻或清水仍有淤滯湖水不能即時蓄高來歲重運北來一將禦黃壩啓放黃水依然倒灌則又於事何益夫清河本屬相需今因利漕先已病河橋其輕重甯便暫時刺運渡黃必不可復用借黃濟運之計以致倒灌增病前年吳璥所奏刺運事宜章程具在且湖廣江西制船俱已次第造成陳鳳翔惟當力持定見通盤籌畫勿稍游移仍將河口積淤設法消除俾河身日低清水日高全力下注因勢利導實爲尋源探本之法朕於治河諸書並未多閱惟恭讀 列祖 列宗實錄於治河一事 訓誡昭垂總以蓄清敵黃爲第一要義此時若不遵循辦理有何把握該河督臬此重任惟當服膺 聖訓勿惑浮言實力實心特以敬慎從此清強黃弱永慶安瀾日有起色勉之望之○辛丑勅平三省邪匪方略成○是歲朝鮮進羅來貢○會計天下民穀數各省通共大小男婦三萬四千五百七十一萬七千二百一十四名口各省通共存倉米穀三千一百四十四萬三千一百七十七石一升二合一勺

嘉慶東華錄三十一

嘉慶十六年辛未春正月丙辰諭軍機大臣等本日據托津等奏到各摺朕詳加披閱所查河工經費各款大半付之空言河工連年奏用帑銀三千餘萬兩請無弊實其誰信之朕特派托津等前往查辦托津係國家重臣初彭齡奏稱敢言茲於特交事件如此將礙于事此後若別經有人告發或參出實據伊二人將何顏見朕乎且伊等所奏提查工員帳簿見在欽差到彼工員帳簿多係捏造何足爲憑托津等不認真訪察僅以查帳爲據焉能究出弊端畢竟此三千餘萬帑金原不盡歸侵蝕其中何人浮冒及何處

奏興工段並用處廉係必有之事著確查具奏毋稍含混至刻下河務情形以清水能否輸出為第一緊要關鍵伊等亦未詳悉奏明目下清水甚弱壩壩堵閉之後又會舊高若下轉瞬粒旋北來如湖水不能暢出將用何浮送朕節經降旨不許再借黃旗運伊等惟知領聖並云俟陳鳳翔到任後遵旨辦理究竟不償黃旗運應如何設法引出清水實在微弱則撥運事宜亦應早為計及豈需互相推諉坐待貽誤此事著托津初彭齡松筠吳璣會同許兆椿陳鳳翔查勘水勢情形熟商妥議釐定辦法迅速由驛覆奏再於均職任係兩江總督河工不過兼轄非其專責如河工有須地方官員協力之處伊等同調遣不致掣肘其河員內有侵食不職劣蹟伊等據實糾參若一切發帑辦工等事轉不必以身獨任致多牽礙○戊午以巡防南河馬港口河岸新築長堤添設淮海道一員駐紮中河以桃北中河山安海防四廳屬之施設海安海阜同知兩員守備把總各二員移海州州同阜甯縣縣丞分駐南北兩岸○丙寅允廷臣請編 御製詩二集○壬申增設直隸建昌赤峰二營都司朝陽營守備並千總把總外委各一員兵四百十名

○癸酉以百齡為刑部尚書調松筠為兩廣總督以勒保為兩江總督

由刑部

向刑部

二月壬午 上御經筵○丙戌諭軍機處為樞密重地滿漢章京趨公執事先以謹慎為本從前御史吳邦慶條奏大員子弟不准充

補軍機章京經軍機大臣議覆旨道員以上子弟皆令回避其有行走在先者並隨時請旨定奪茲據慶桂等奏新授南嶺道查浩

阿之子誠端應否回避朕思謹慎與否總視乎其人而防閑之道亦必當定以限制嗣後文職京官三品以上外官臬司以上武職

副都統以上外官總兵以上其親子弟不准在軍機章京上行行走行在先者亦無庸隨時具奏即令照例回本衙門當差誠端

係道員之子無庸回避○丁亥 上釋奠先師孔子○諭托津等奏查明兩河節年銀款工程分別纂辦參奏一摺近年以來兩河

鉅工林立費用甚繁統計各項銀數不下四千餘萬而每年歲撥修各工甫經動項興修一遇大汛即有盤場淤墊之事甚至上年

堰圩軋石各工掣場四千餘丈之多恐承辦工員自不免有偷減浮冒情弊是以特派托津初彭齡前往徹底查辦茲據覆奏到江

後即親赴工次備加察驗並將各年文卷印領逐層覈對所發銀兩與各工所領數目均屬相符是銀款出入尚無虛捏情弊惟支

領後該工員不能如式實心辦理以致新工未竣舊工復生而歷任河督等又未能經理協宜均難辭咎其中有自乾隆五十七年

起至嘉慶十四年止已經題銷尚未找領之款銀六十萬六百萬兩零據查此款虛懸日久工程已無可考且經手工員又多升遷事

故未便復行找領致滋冒濫等語著照所請所有前項未領款竟無庸再行找發以歸覈實其十四十五兩年加培黃運中河大

隄土工夫役增價嚴計多用銀四萬八百餘兩及上年挑復海口時酌量接濟疲累工段所借銀數數計共有十萬六千餘兩均著

陳鳳翔分別勒追以清款項又挑挖淮北鹽河一事雖係應行挑挖以備宣洩盛漲但於減壩興工之前該河督等未經先行奏明

殊屬疏忽且查所辦工段已有淤墊處所所有此項工用銀八萬三千餘兩著吳璣徐端照數分賠完繳均仍交部嚴加議處其另

單所開承辦工員除已故及革職治罪各員外其餘四十五員名均著照所請革職但念與令離工一時全易生手未免貽誤且未

便令其置身事外著將各員弁中見任者姑留本任候補者留工效力各限三年如果各知奮勉所修工段並無掣場屆時再請
復如限內再有疏失著陳鳳翔隨時奏參完當加倍治罪至原任道員葉觀潮所管地方屢有漫口大工實屬漫不經心著即革職
留工以觀後效歷任河督徐端前已降旨懲處外載均元吳璣均在任年餘著交部分別嚴加議處那彥成在副總河任內已歷
數月亦著交部議處尋議上律旨吳璣素嫺河務前後在任年分最久因循貽誤且任內又有挑挖鹽河應奏不奏一案伊見已寢
病豈能勝尚書之任著照部議降四級調用仍於補官日降三級留任載均元在任年餘亦不能查出弊端姑念河工非所素悉其
在任年分較吳璣為淺著加恩改為革職留任那彥成不諳河務在任僅止數月著加恩改為降四級留任○甲午 莊妃薨
上至吉安所賜奠○丁酉肅親王奏奏暫護撫篆一摺朕因鄂雲布見在年老令其交京另候簡用並非因事罷斥亦非有緊要差
使須俟來京辦理鄂雲布接奉此旨自應一面具摺謝恩仍候同興到黔之後交印起程方為正理乃齊布森甫經到任一切尚屬
生疏鄂雲布於兩日之內即將巡撫篆務移交護理總行起程實屬太不曉事昨因文弼換班回京不候接任之員交代將印務該
之陽春會交部議處貴州為苗疆要地巡撫責任較之駐藏大臣尤為重大且文弼雖患疾回京而陽春尚係同辦事之大臣今鄂
雲布不候新任交代將篆務交初到之藩司護理即行回京其件視文弼尤重鄂雲布著交部嚴加議處該革職得旨加恩以六
部筆帖式用○戊戌諭朕恭問 皇考高宗純皇帝實錄內載乾隆四十二年十二月欽奉 諭旨四執事總管管領將太監李蟠放假
四五日往引舊處將宮內之事信口傳說太監等告假不過一日兩日豈有四五日在外之理將因執事總管管領查明議罪爾總
管等應諭旗下太監等既已身離旗下復往何為見今將李蟠夾訊即是榜撻等因以此仰見我 皇考聖訓嚴密之至
意旗下太監既送進宮內服役即不應再回伊原主家中所以嚴內外之防而杜關通之漸乾隆年間宮中太監尚多其由旗下交
進者少彼時尙有如弘皙家所交之李蟠藉放假為名竟敢私回伊原主家中傳說宮內之事况近來宮內太監較少由旗下交進
者多豈能皆是善良恐膽玩性成未必不出外縱事茲特嚴定章程嗣後旗下太監一經送進宮內當差不得再回本主私宅該王
公等於交出之後再見該太監潛來私宅即著立即斥逐勿准片刻逗留如斥逐不遵或仍行潛往即著拿交以便懲創止治
該太監之罪其本主皆毫無不合若不斥逐拿解或竟任其傳說 內之事一經發覺不但重治該太監之罪其本主亦獲戾不小
必不姑貸將此旨通諭諸王公知之仍載入宮中見行則例○丁未諭向來耕藉典禮於親耕後升觀耕臺閱視從耕之三王九卿
以次俱畢然後順天府尹等宰父老耆民等謝恩維時父老等散布耕田招集需時行禮恩逮末足以肅觀瞻嗣後著該府尹等
豫飭父老耆民整齊排列於親耕後升觀耕臺時即率領至臺下先行謝恩朕朕謝恩禮畢再閱從耕用昭整肅
二月辛亥 上親耕藉田○甲寅諭內務府奏開列恭從採桑福晉命婦清單奏請欽點一摺每年皇后親蠶以福晉命婦七八
從採桑係屬大典乃近年來開列單內除近支福晉外大率係皇后嬪親意在於藉此請安所以年年開送其餘多託故不與此次

開列單內僅止九人其中大臣命婦則止有二人自係各該大臣等不令其妻妾與與禮是以託故不行開送以此積漸內需必致
開列人數不敷酌派成何事體此次姑就單內圈出七人以備典禮爾後各該大臣命婦除實係有故照例聲明免其開送外餘俱
著一併開列如仍前試裁規避致人數短少書內務府查明無故不到者將該命婦之夫參處○諭宗人府議駁御史相保保奏
宗室人員請派派學習行走員數一摺所駁甚是我朝家法宗室人員以學習清語勤肄騎射爲重則文學科名尙非所急是以宗
室考試之例從前乾隆年間曾欽奉 皇考高宗純皇帝聖諭停止所以定其趨向一其心志不至荒棄本業也近年來宗室生
齒日繁朕慮其無進身之階屢經加恩於六部理藩院添設司員十六缺並准令鄉會試又增添宗學學生六十名見在宗室登進
之途不爲不廣今該御史又以宗室人多差少請將候補人員分部行走無論見在宗室候補未經得缺者止有一人該御史人多
差少之言已爲不確且其意不過欲宗室等多得文職其流弊必至重文輕武或竟希圖外任將來清語騎射鮮有究心之人於滿
洲家法殊有闕繫該御史年老平庸必係聽人惑誘爲此見好之奏應無庸議○已未諭軍機大臣等前據陳鳳翔奏於本月初一
日開放禁黃埔今已十日尙未據奏到開場後是何情形見在黃水高於清水五尺有餘而下游將近海口之大淤失地方又形淺
器即使本年糧運尙可勉強通行日久終恐貽誤不可不豫爲之計因思海船試運一事上年據章熙奏吳淞一帶尙有沙船可
雇果能試行有效則來年即可踵行比之撥運截卸一切事宜皆爲便捷惟地方官辦事之始不無畏難此事全在該督撫實力講
求認真經理將此時應運配若干船隻應撥用何項米石如何設法交卸及旗丁水手如何安置均卽熟籌妥辦今歲不拘糧石多
寡務卽趕緊試行均勿坐視因循又以海洋涉險爲詞率行推卸仍一面保趨重運北上至浙省雖向無海運出口章程其應如何
幫雇船隻之處將攸銘亦應一體籌商互相經理方爲不負委任尋據兩江總督勒保等會議不可行奏十二事一漕運惟元至元
十九年始爲海運至明永樂十三年而罷然元明雖係海運而內河漕運仍不廢今以清黃交會之所消長應常欲易河運爲海運
俾得專治河淮爲一勞永逸之計若海運與河運並行則費黃埔仍不能開凡漕運官弁一切不能少減徒增海運之費一江南至
天津海道必從吳淞江出口由崇明南茶山而北東過山東成山至綠水大洋西過之界山又西北由大沽海口始達天津其間吳
淞口之險沙黃河口之大沙五條沙以及山東嶗兒嶗沙門島等處沙礁叢雜皆海道極險之處天庾正供非可嘗試於不測之地
一海行欲避外洋之險前代曾欲從膠西開整陸地徑通直沽海口勞費不貲迄無成功雍正初朱軾亦奏開山東膠萊運道卒以
工力難施而止一海運若由旗丁領運則旗丁不習海洋若責成船戶收兌則船戶非如旗丁有冊編審必致散漫無稽又難約束
且河運有總稽查巡漕御史等統領稽察復有各省糧道及地方文武理送查催尙不免短缺微變等事若改海運斷不能設立多
官出洋巡視將來船戶偷盜私賣捏報沈失甚至通盜誘匪等弊皆所必有甫經肅清之洋面轉恐匪類萌生一海行風信靡常凡
商賈市舶往往飄至外洋經年累月而後返並有竟不能返者清船向在內河可以隨地傳趨一出外洋其遲速平險皆非人力可

施設有耽延所關匪細一海運需籌經費查至元開每石給中統鈔八兩五錢迨及至大延祐開加至十三兩彼時相距不過數十年而其費已加至三分之一方今物力昂貴以古準今其費必甚浩大一海運即需用船計造海船一隻其大可裝載二三千石者估需工價不下萬金以全漕而論需船一千七八百號即需銀一千七八百萬兩一造船既不能行不得已議雇商船若照民間販運給值則需費不貲實難籌繼若止給官價則在官支發之數已多而船戶猶形苦累即如閩洋船匪添船多係隨時短雇大小多寡不等悉接受載石數月每石給銀七分截至上年二月已發過官價銀十九萬餘兩船戶等除領官價外又得行商津貼仍以賠累為辭規避官雇今欲長雇運漕尤恐避匿不前難於雇覓况重洋巨浸必須船身堅大始敢開行吳淞一帶頭號沙船向赴天津貿易者止有四五十隻每隻帶米不過千石受載無多閩省惟赴津大船始請北洋水道亦屬不敷供運至粵省相距更遠其船向不能北行浙省則更無船可雇一查元明海運每年必有漂失之米統計到倉米石欠交者自數合至一斗數升不等今時生齒日繁常慮地之所產不敷人之所食豈堪再有漂失之數一海運即須添設水師防護若令見有水師分段護送兵船少而漕船多逕為聲援獲長莫及必致有名無實若每船配兵一二十名即須設兵三四萬名所需糧餉又復不貲一京師百貨之集皆由糧船攜帶若改由海運斷不能聽其以裝米之船多攜貨物將來京城物價必驟加昂貴重恐官民日用之物皆致缺少於生計亦有關係一運丁所用兵工短絀等項以每船二十人而論見用者八九萬人窮民賴以資生若改海運均須另募熟悉海道之人而此常年運漕之八九萬人一旦失業難保不流而為匪亦非安輯之道得旨前因洪湖洩水過多運河淺涸恐新漕北來阻滯是以令該督等兼籌海運以為有備無患之策至其事之需費浩繁諸多格礙朕亦早經計及今據分款陳陳以為必不可行自係實在情形此後竟無庸再議及此事徒亂人意河漕二務其弊相乘其利亦相因漕運由內河行走已閱數百年惟有起卸盤壩或酌量截留為暫時心修治河流順軌則漕運按期過達原可行所無事即萬一河湖盈絀不齊漕船不能暢行亦惟有起卸盤壩或酌量截留為暫時權宜之計斷不可輕議更張所謂利不百不變法也○壬戌上臨莊敬和碩公主園邸賜奠○諭軍機大臣等本日勒保陳鳳翔奏報開放禦黃場船行走順利一摺覽奏稍慰伊等以黃水直灌洪湖致湖身淤墊先將東清壩堵閉始將禦黃壩啟放該處有二壩擊托又有運口頭二三壩層層給東水勢不至建飯直灌諸糧平甯兒在淮安各屬亦皆接續前進以目下情形而論軍運正當喫緊而洪湖水力甚微亦止可如此辦理但此時運河全係黃水將來受淤必深且汛水長落無時恐兩岸漸形著重為今之計惟有速將幫船趕緊趲行多趲一幫則可省一幫之累如果洪湖蓄充盈早晚可以刷黃濟運則將來清濤叠放之後漕船自可暢行即不然亦務須將頭二三進幫船通行趲渡止留江底幫船在後亦尚可籌辦到運事宜須全漕不墮貽誤方為妥協○丙寅上啓鑒諒西陵並巡幸五臺山○免經過直隸州縣額賦十分之三○庚午上詞泰陵泰東陵至李淑皇后喪奠酒○壬申免經過順天府大興等五州縣山縣清苑等十七州縣通賦○甲戌諭周系英奏辦理召試章程請旨遵行一摺向來運鑾士

之服習。若奉母來京於散直之餘。朝夕侍奉。豈不公私兩遂。即遇巡幸。亦不令伊隨往。朕於方維甸母子之間。所以優加體念者。實爲無所不至。今當辦事。需人方維甸亦當仰體朕用人不得已之苦衷。勉思報效。伊將此旨告知伊母。諒伊母亦必感激。樂從。但不知伊母見在身體情形。究竟若何。如果目下精神委頓。實難遽行。方維甸自應據實陳奏。若酌量可以就道。方維甸於奉旨後。卽一面先行由驛奏聞。一面親自奉母起程。朕當降旨。施恩著沿途地方官妥爲照料。方維甸候進山東境後。再行來京謝恩。供職。○甲寅 上臨故大學士戴衢亨園居。賜奠。覽其子嘉端舉人。○丙辰。諭國家設立都察院。堂官六科各道。凡內自王公大臣。外自督撫藩臬。以至百職。庶司如有營私執法。貪恩徇職。語言官據實糾彈。卽卽按款嚴究。執法重懲。我朝列聖相承。綱紀肅清。力除蒙蔽之弊。朕祇遵成憲。太阿在握。懲勸奸亦從不稍事姑息。然事必覈實。斯罰不妄施。乃近年言官中竟有懷挾私怨。陽沽鯁直之名。陰施報復之計。以巧試其術者。其初列款上聞。浮言聳聽。及查明毫無證據。若將言官懲罰過重。似杜敢言之路。而被劾之大臣一登白簡。雖辨明心迹。譴責不加。究以枉受誣議。使在廷之議。謂其會遭指謫。不免中懷畏歛。損其清白之衷。且君臣之間。亦不若無此芥蒂。益孚股肱心膂之義也。卽如原任大學士戴衢亨。果於任事。惟性急語直。每遇部院公事判別。是非或從或違。安能盡協人意。因此爲怨者所詆。前被給事中花杰封章參奏。指稱伊與黃士洪。登交往情密拔置一甲一名。又黃旭試卷行楷相間。濫置二甲。經朕密取殿試各卷加封呈覽。特將洪登帶至上書房。命一阿哥監看。令其默寫試策。推時距殿試已閱兩月。有餘。洪登所默試策與原卷悉相符合。不過數虛字。間有異同。其黃旭原卷末數行稍欠工整。並無一筆行書。當卽明白宣示。剖分曲直。本年已已科庶吉士散館。朕特洪登黃旭二人文藝必應考居前列。若抑置在後。非有心屏黜。卽銜校未當。及閱卷大臣公擬進呈拆閱。彌封洪登黃旭同列三等。設戴衢亨尙在派令閱卷。必謂其徇情拔取。卽不與閱卷之列。亦或疑其轉相屬託。今戴衢亨已故。可見文章自有定評。豈同列諸大臣至今日向曲爲附和乎。戴衢亨蓋棺論定。心迹已明。應含笑泉下矣。花杰從前惡空捏造誣陷大臣。是誠何心。姑置勿論。嗣後諸言官務當各矢天良。遇有不公不法之事。必求確據。直列彈章。不可因有此旨。緘默不言。若以毫無影響之談。誣人名節。天鑒難逃。國法具在。懷之。○以河南開封府十一府州屬旱發倉穀平糶。○庚申。復孫玉庭二品頂帶。○辛酉。上閱健銳營兵。○甲子 上詣 黑龍潭祈雨。太子少保協辦大學士刑部尚書長麟卒。子祭葬。諡文敏。○丁卯。諭向來天壇三大祀恭閱祝版。時祝版玉帛香亭設於太和殿之西。香亭設於太和殿之東。及恭閱祝版。玉帛香行禮後。各安設亭內。復詣東邊香亭行禮。方始昇行。朕思香亭之設。原因祝版通誠於上帝。故必於香亭內上香行禮。至昇行時。卽昇於祝版亭之前。今祝版亭安設在西。朕止於香亭前。望空行禮。尙於義未協。嗣後三大祀恭閱祝版。時祝版亭卽設於東邊香亭之後。朕閱祝版後。再恭詣香亭前。向祝版上香行禮。以昭肅肅。○命修築直隸任邱等各州縣千里長隄。並雄縣壘道。○戊辰。以京師及河南山東旱命清釐庶獄。壬申。賜蔣立鑑等二百三十七人進士及第。有差。○癸酉。諭軍機大臣等。據方維甸遞忱。概奏一摺。前因軍機大臣需人。朕

金方維每執習機務是以降旨召伊來京並令伊等看伊母身體情已先行覆奏應請奏伊母近日心神恍惚難以力疾遠行情懇切朕聞之甚為憐惻見在天氣漸熱方維甸母子不能暫離若令其母長途跋涉朕心殊為不忍方維甸著不必來京仍在福安心養親時屆端陽並加恩賞發方維甸之母香珠一匣首飾一匣首飾一匣指扇一匣方維甸即占知伊母俾其歡欣爾等可也○召錢楷來京以張映漢為湖北巡撫陳桂生為山西布政使錢瑛為山西按察使○恭親王奏請將赤城龍門二縣縣丞設於泉州州判建昌縣縣丞巡檢赤城縣縣丞巡檢府司獄

五月辛巳命劉龍之為龍仁閣大學士以吏部尚書鄒炳泰協辦大學士劉鎮之為兵部尚書錢楷為戶部右侍郎

以甘肅旱發倉穀平糶 丁亥 上詣 天壇壇祈雨 諭本日朕親詣 天壇壇虔誠祈雨茲各員宜如何敬慎祿肅乃派充典儀之贊禮郎國祚於應行唱贊送 神時率行唱贊送燎屬屬緩慢不敬若係隨人唱贊錯誤不過交部嚴議處以革職即問罪亦止於發遣國祚係曾任身犯命案高擬絞罪之人彼時因伊父扎郎阿懇請 壇 廟禮儀特加恩寬發交伊父在家管束嗣據伊父扎郎阿稱其悔罪自新請曉諭節唱贊熟練復等用為贊禮郎又經補授資缺伊此次派充典禮自應倍加小心無敢褻越乃竟漫不經心輒此錯誤其咎較重見已革職銷擊交刑部即於明日定擬具奏至扎郎阿並不認真教誨伊子輒屢次在朕前飾詞妄譽此次復將伊子派充典儀希圖見長違恩實屬徇私不職本應即予罷斥姑念其充當 壇 廟差使有年著加恩降為贊禮郎即補伊子所出之缺哈爾阿明志二人亦屢次在朕前稱譽國祚並將伊派充典儀明係袒庇同儕曲為援引均應交部嚴加議處惟本日哈爾阿於國祚錯贊送燎之時仍贊引送 神儀注於行禮節次得以如儀向不致誤哈爾阿著從寬交部議處明志著交部嚴加議處其餘管理太常寺福慶等各堂官均著交部議處惟馬履泰係屬不諳情誼著加恩免其議處再本日贊樂之贊禮郎於國祚錯贊送燎時若仍贊送 神樂則錯誤益多今並未贊樂實屬屬有定見又司祝之贊禮郎及司香帛之在前列者俱能循照定儀並未相率錯誤此三人均熟諳儀文著加恩各賞給小卷衫一匹以示獎勵嗣後有似此曾經身犯重罪得邀寬宥錄用之人遇有一切 壇 廟祭祀差俱不准派充執事以昭肅肅著為令○戊子 上臨莊靜園倫公主圖那爾賜奠○諭國祚充賞

天神壇典儀於應唱贊送 神時輒唱贊送燎實屬褻越不敬刑部擬以新立決自為罪所應得但念伊年幼糊塗因伊父扎郎阿平素不行管教飾詞妄譽且徇私派充典儀以致唱贊錯誤經刑部審訊尚昏然不知是其身雖大辟實由伊父溺愛之故其罪尚可末減國祚改為斬監候秋後處決 庚寅雨○命五城設廠平糶○癸巳 上詣 照龍潭祈雨○甲午復雨○乙未恩長以廢弛降調以長齡為河南巡撫○癸卯調百齡為左都御史崇祿為刑部尚書○乙巳諭倉場侍郎會同巡漕兩御史議奏李亨特請將南糧全數自楊村起剝到壩一摺所駁甚是南糧軍船例應到壩起卸偶因楊村水淺不得已始用剝船原非定制剝船除官設一千五百隻之外其由直隸添雇者即不能及官設之數軍船遇水大之時起四存六遇水小之時起六存四向係輪轉應用惟

十月庚辰

三進軍船末後數幫因恐回空太遲聞或全數起刺亦緣三進之後更無幫船始可將剩船儘用今若照李亨特所奏頭二三各進幫船於行抵楊村之時俱令全數起刺則所需剩船過多何由敷用勢必前後橫壓欲速轉遲遲運回空豈不兩有耽誤所請斷不可行李亨特曾任坐糧廳乃不能諳悉情形率爲此奏殊屬冒昧著交部議處

六月庚戌以王營減墻墮工復犖革陳鳳翔御頂疏防員弁革職逮問○王子諭昨諭軍機大臣傳訊明亮令將伊轎房賭博一事會否奏知並伊何以知有御史條奏禁止賭博一一據實具奏今據伊登答各條顯多詭飾前日步軍統領衙門奏明亮於伊轎夫另住房屋之時會傳喚該處步軍校到家面爲屬付今明亮稱該步軍校並非由伊傳喚前往係因轎夫另覓房屋自赴明亮家關白伊因屬以轎夫儻或滋事卽隨時查拏等語步軍校並非明亮所屬若非明亮遣人傳喚何爲到伊家中殊非情理至明亮稱伊於御史參奏轎房賭博一事係聞朝房窗外有人傳說不能辨其爲何人聲音等語更不成語明亮會經奏稱伊從前因點放爆竹致將一耳震聾况時常召見常有錯聽朕語之將伊平日既未能審聽諛言此時在朝房內何以又聞窗外之言且既不能辨別聲音又何由詳悉語句其爲掩飾更不問而知卽窗外私論密奏之事亦必低言細語斷無高聲大嘆之理皆由伊從前在軍營中習慣編謠今陋態未除諸欠眞實至伊是日遣家人王福進城或竟係送信轎房亦未可定今伊稱係派令進城查察無論其詞不足憑卽使果如所言亦屬辦理不善伊既欲查拏轎夫賭博卽當不動聲色親自進城徑往查看則轎夫自不能散走何必派人往查致轎夫等聞風逃避耶此事明亮於奉旨傳詢之後不肯據實直陳本當卽行獲革懲治惟念伊舊有軍功見在加恩用至協辦大學士年將八旬無庸再向詢問著先交部嚴加議處其究竟有無知情之處著軍機大臣會同刑部將伊家人等研訊具奏尋議上得旨明亮身爲協辦大學士兵部尚書本應坐轎若僅止失察轎夫聚賭自行擅賣陳奏請罪不過交部議處卽議革任亦必加恩留任乃於轎夫開場聚賭平日既不能約束得信後又授意家人進城送信致令該轎夫等聞風逃避種種回護欺誑殊失大臣之體不勝協辦大學士尚書之任本應照部議褫職姑念明亮前同阿桂平定金川著有功績嗣辦三省鄂匪於湖北孝感殲賊聚眾護地方亦有微勞此次係因文職任內獲咎著將伊太子少保銜內大臣協辦大學士兵部尚書鑲藍旗滿洲都統關兵大臣管理稽察 廂 廟事務尚書房總辦達清字經館總裁紫雲城騎馬雙眼花翎全行革去至伊所得伯爵係由軍功給予者加恩仍留三等襄勇伯降爲一品頂帶賞給軍眼花翎並賞給副都統署理富爾銜黃旗漢軍副都統出差之缺仍管理火器營事務輪流直班 癸丑諭大學士祿康兼任步軍統領專司緝捕凡京城內有犯案不法爲亂滋事之輩皆當嚴拿淨絕方使奸宄斂迹竄竄肅清乃平日一味寬厚不加整頓致涉懈弛前月御史韓鼎晉奏內城風氣甚熾多係諸大臣之轎夫開局等語朕密飭祿康英和查辦旋據祿康等呈獲一起具奏一係杏花天賭棍一條明亮稱天面祿康於伊家內轎夫有無開賭情事則全不計及並不首先查辦迨朕詢及明亮伊奏稱心疑祿康轎夫亦不免此是以效尤朕卽於初五日密諭英和桂芳查拏英和桂芳隨於是日晚